



KERAJAAN SERI PADUKA BAGINDA  
MALAYSIA

---

**PEKELILING PERKHIDMATAN BIL. 3 TAHUN 1990**

---

PINDAAN KADAR ELAUN KHIDMAT AWAM DALAM PEKELILING  
PERKHIDMATAN BIL. 9 TAHUN 1980

**1. TUJUAN**

1.1 Tujuan Pekeliling ini adalah untuk memaklumkan keputusan Kerajaan meminda kadar Elaun Khidmat Awam yang diperuntukkan di perenggan 24 (a), (b) dan (c) [Pekeliling Perkhidmatan Bil. 9 Tahun 1980](#).

**2. KADAR BARU**

2.1 Kerajaan telah bersetuju meminda kadar Elaun Khidmat Awam yang dibayar kepada pegawai-pegawai awam termasuk pegawai-pegawai sementara, kontrak, sangkut dan sambilan. Kadar baru Elaun Khidmat Awam adalah seperti berikut:

**(a) Pegawai Tetap, Sementara, Kontrak dan Sangkut**

Perkhidmatan Awam, Badan Berkanun dan Kuasa Tempatan	Perkhidmatan Penjara	Kadar Sekarang Sebulan	Kadar Baru Sebulan
Kumpulan Gaji A11 dan A12	Penguasa Penjara Ting. Kanan	\$250.00	\$300.00
Kumpulan Gaji A13 hingga A30	Penguasa Penjara Ting. Biasa	\$125.00	\$170.00
Kumpulan Gaji B1 hingga B16	Penolong Penguasa Penjara Ting. Biasa dan Ting. Kanan	\$ 75.00	\$115.00
Kumpulan Gaji C1 hingga C20	Peg. Penjara Kanan/Ketua Peg. Penjara/Ketua Besar Peg. Penjara	\$ 45.00	\$ 80.00
Kumpulan Gaji D1 hingga D47	Peg. Penjara Tkt. I dan Peg. Penjara Tkt. II	\$ 35.00	\$ 65.00

**(b) Pegawai Sambilan**

- (i) Pegawai Sambilan adalah juga layak dibayar Elaun Khidmat Awam seperti di perenggan (a) di atas. Walau bagaimanapun Pegawai

Sambilan tidak layak menerima Elaun Khidmat Awam pada hari mereka tidak bekerja termasuk hari kelepasan atau cuti am. Elaun Khidmat Awam yang dibayar adalah berdasarkan kadar sehari seperti berikut:

<i>Kelulusan Akademik</i>	<i>Kadar Elaun Khidmat Awam Sehari</i>
(a) Ijazah .. .. .	\$6.30
(b) Diploma, Sijil Tinggi Persekolahan	\$4.25
(c) Sijil Pelajaran Malaysia .. .. .. .	\$2.95
(d) Sijil Rendah Pelajaran dan kelulusan yang rendah daripada Sijil Rendah Pelajaran	\$2.40

(ii) Bagi maksud perkiraan Elaun Khidmat Awam atas kadar harian, bilangan hari di dalam sebulan adalah 27 hari. Perkiraan Elaun Khidmat Awam bagi pekerja sambilan di atas kadar harian adalah berdasarkan formula seperti berikut:

$$a - (y \times z)$$

*a* - Kadar Elaun Khidmat Awam Sebulan

y - bilangan hari tidak bekerja iaitu bilangan hari bekerja ditolak daripada 27 hari.

z - Kadar Elaun Khidmat Awam Sehari

### **3. PERATURAN PEMBAYARAN**

3.1 Elaun Khidmat Awam boleh dibayar apabila seseorang pegawai bercuti bergaji penuh. Jika pegawai bercuti separuh gaji, Elaun Khidmat Awam yang layak dibayar adalah separuh daripada kadar elaun yang dilayakinya. Pegawai yang ditahan kerja oleh Pihak Berkuasa Tatatertib dan dibayar separuh atau sebahagian daripada gaji bulanannya, adalah juga layak dibayar separuh atau sebahagian daripada Elaun Khidmat Awam mengikut nisbah yang sama dalam perkiraan gajinya. Elaun Khidmat Awam tidak boleh dibayar bagi tempoh pegawai bercuti tanpa gaji, dikenakan hukuman oleh Pihak Berkuasa Tatatertib supaya dilucut hak gajinya, digantung kerja atau di buang kerja.

### **4. TARIKH KUATKUASA**

4.1 Tarikh kuatkuasa kadar baru Elaun Khidmat Awam adalah mulai 1 Januari 1990.


### **5. PEMBATALAN**

5.1 Dengan berkuatkuasanya Pekeliling ini, maka perenggan 24 (a), (b), (c) dan 25, [Pekeliling Perkhidmatan Bil. 9 Tahun 1980](#) adalah dibatalkan.

### **6. AM**

6.1 Ketua-ketua Jabatan, Ketua-ketua Pengurusan Badan-badan Berkanun dan Kuasa-kuasa Tempatan adalah bertanggungjawab untuk melaksanakan peruntukan-peruntukan di dalam Pekeliling ini. Sekiranya terdapat sebarang keraguan, penjelasan lanjut hendaklah diminta dari Bahagian Gaji dan Elaun, Jabatan Perkhidmatan Awam, Malaysia.

"BERKHIDMAT UNTUK NEGARA"



(TAN SRI DATO' ALWI JANTAN)

*Ketua Pengarah Perkhidmatan Awam,*

Malaysia

26 Februari 1990

s.k.

Semua Ketua Setiausaha Kementerian,

Semua Ketua Jabatan Persekutuan,

Semua Y.B. Setiausaha Kerajaan Negeri,

Semua Pihak Pengurusan Badan-badan Berkanun,

Semua Pihak Pengurusan Kuasa-kuasa Tempatan.